

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaata allanngortinneqarneranik Inatsisartut inatsisissaat (Sassaallersinnaanermut akuersissuteqarnermut piumasaqaatit)

§ 1.

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaanni nr. 11, 11. november 2000-imeersumi makku allannguutigittinneqassapput:

1. § 1-imi *imm.* 6-itut ilanngunneqassaaq:

"*Imm.* 6. Inatsimmi uani nioqquteqarneq tassaavoq ulluinnarni nioqqutissanik ataasiakkaanik niuertarfinniit nioqquteqarneq."

2. § 2, *imm.* 2-mi peerpoq: "§ 2 malillugu".

3. § 4, *imm.* 3 oqaasertalerneqassaaq imatut:

"*Imm.* 3. Naalakkersuisut akuersiseqqaarnagit sassaallersinnaanermut akuersissutit ingerlatseqatigiiffinnut il.il. aatsaat tunniunneqarsinnaapput pissutissaatitaasut allat tamarmik eqquutsinneqarsimappata aammalu ingerlatseqatigiiffiit ileqqoreqqusaanni aalajangersarneqarsimappat aktiaatit, piginneqataanermut uppersarsaatit il.il. kimilluunniit imigassanik aalakoornartortalinnik kimittuunik kimikitsunilluunniit tunisassioortunut nioqquteqartunullu tigusassanngortinneqaratilluunniit tunniunneqassanngitsut, aktiaatit, piginneqataanermut uppersarsaatit il.il. tamarmik piginnittup aqqanut allassimassasut taamatullu allattorneqassasut tunniussinissarlu siulersuisunit akuerineqaaqarsimassasoq."

4. § 4, *imm.* 9 oqaasertalerneqassaaq imatut:

"*Imm.* 9. Naalakkersuisut akuersiseqqaarnagit sassaallersinnaanermut akuersissummik pigisaqartut suliffinnilu sassaallersinnaanermut akuersissummik pigisaqartuni pisortaatitat kimilluunniit imigassanik kimittuunik kimikitsunilluunniit tunisassioortunit nioqquteqartunilluunniit taarsigassarsianik tigusaqassanngillat, matumanittaaq pequtiniq attartussanatik, aallaqqaasiutissinneqassanatik nalinginnaasuunngitsumilluunniit akiligassaqalersussanngussanatik. Aammattaaq Naalakkersuisut akuersiseqqaartinnagit pineqartut imminnut pisussaaffilissanngillat naammassineqarnissaat kimilluunniit imigassanik kimittuunik kimikitsunilluunniit tunisassioortumit nioqquteqartartumilluunniit qularnaveeqqusiivigineqartunik."

5. § 4, *imm.* 12 oqaasertalerneqassaaq imatut:

"*Imm.* 12. Naalakkersuisut akuersiseqqaartinnagit inuit imaluunniit ingerlatseqatigiiffiit il.il. imigassanik kimittuunik kimikitsunilluunniit tunisassioortut nioqquteqartulluunniit, imaluunniit ingerlatseqatigiiffinni

il.il. imigassanik kimittuunik kimikitsunilluunniit tunisassiortuni nioqquteqartuniluunniit pisortaanernut siulersuisunulluunniit ilaasut sassaallernissamut akuersisummik tunineqarsinnaanngillat."

6. § 11, imm. 1-imi peerpoq: "taamaattoq tak. imm. 3."

7. § 12, imm. 2-mi peerpoq: "taamaattoq tak. imm. 3."

8. § 27, imm. 1-imi oqaaseqatigiinni siullerni "§ 3, imm. 1-imi oqaaseqatigiit aappaat" allanngortinneqarpoq uunga: "§ 3, imm. 2-mi oqaaseqatigiit appaat."

§ 2.

Inatsisartut inatsisaat ulloq 1. juni 2001 atortuulerpoq.

Namminersornerullutik Oqartussat, ulloq 31. maj 2001

Jonathan Motzfeldt

/

Simon Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut